

Nr. 33, datë 13.6.2016

**PËR SHPALLJEN E THIRRJES II, PËR FINANCIMIN E PROJEKTEVE, NGA GRANTI 1
“SHQIPËRIA DIXHITALE”, PROGRAMI “SHQIPËRIA DIXHITALE”, SHTYLLA III, PËR
VITIN 2016**

Në mbështetje të nenit 100 të Kushtetutës dhe të nenit 15, të aneksit 3, të ligjit nr.147/2015, “Për buxhetin e vitit 2016”, Komiteti për Zhvillimin e Rajoneve

VENDOSI:

1. Shpalljen e thirrjes II, për financimin e projekteve nga Fondi për Zhvillimin e Rajoneve për vitin 2016, sipas shtyllave, programeve dhe granteve të financimit, si më poshtë vijon:

1.1 Granti 1: “Shqipëria dixhitale”, programi “Shqipëria dixhitale”, shtylla III.

1.2 Drejtimit e thirrjes II për financim janë, për:

a) modernizimin e qyteteve dhe bashkive, përmes sistemeve të informacionit dhe shërbimeve për qytetarët, përmirësimin e efikasitetit të punës dhe administrimit të bashkive të reja, rritjes së cilësisë së jetës në bashkitë e vendit.

2. Aplikimi për financimin e projekteve të përmendura në shkronjën “a”, të pikës 1.2, të këtij vendimi, bëhet nga njësitë e qeverisjes vendore, sipas shtojcave I dhe II, bashkëlidhur këtij vendimi.

3. Për drejtimet sipas pikës 1.2, vlera e financimit të alokuar për këtë thirrje, prej 376 400 000 (treqind e shtatëdhjetë e gjashtë milionë e katërqind mijë) lekësh, të shpërndahet sipas kriterëve, si më poshtë vijon:

a) për njësitë e qeverisjes vendore, me popullsi deri në 50 000 (pesëdhjetë mijë) banorë, vlera e financimit do të jetë, jo më shumë se 10 000 000 (dhjetë milionë) lekë, për projekt. Listën e njërive të qeverisjes vendore, që janë brenda këtij niveli të popullsisë, e dërgon në sekretariatit teknik pranë ministrit të Shtetit për Inovacionin dhe Administratën Publike, ministri i Shtetit për Çështjet Vendore;

b) për njësitë e qeverisjes vendore me popullsi mbi 50 000 (pesëdhjetë mijë) banorë vlera e financimit do të jetë, jo më shumë se 15 000 000 (pesëmbëdhjetë milionë) lekë për projekt;

c) për Bashkinë e Tiranës, vlera e financimit do të jetë jo më shumë se 30 000 000 (tridhjetë milionë) lekë për projekt.

4. Procedura e vlerësimit, të projekteve të aplikuara, kryhet nga sekretariati teknik, pranë ministrit të Shtetit për Inovacionin dhe Administra-tën Publike, sipas kriterëve të dhëna në shtojcën IV, bashkëlidhur këtij vendimi.

5. Ngarkohet ministri i Shtetit për Inovacionin dhe Administratën Publike dhe ministri i Shtetit për Çështjet Vendore, për zbatimin e këtij vendimi.

Ky vendim hyn në fuqi pas botimit në Fletoren Zyrtare.

ZËVENDËSKRYETARI
Niko Peleshi

Zëvendëskryeminstri
Ministri i Financave
Ministri i Zhvillimit Ekonomik, Turizmit,
Tregtisë dhe Sipërmarjes
Ministri i Zhvillimit Urban
Ministri i Transportit dhe Infrastrukturës
Ministri i Arsimit dhe Sportit
Ministri i Bujqësisë, Zhvillimit Rural dhe
Administrimit të Ujërave
Ministri i Shëndetësisë
Ministri i Kulturës
Ministri i Mjedisit
Ministri i Punëve të Brendshme
Ministri i Shtetit për Inovacionin
dhe Administratën Publike
Ministri i Shtetit për Çështjet Vendore
Kryetari i Shoqatës së Qarqeve të Shqipërisë
Kryetari i Shoqatës së Bashkive të Shqipërisë /
Përfaqësuesi i Bordit të Agjencisë për Zhvillim Rajonal nr.1
Kryetari i Shoqatës për Autonomi Vendore /
Përfaqësuesi i Bordit të Agjencisë për Zhvillim Rajonal nr.2
Përfaqësuesi i Bordit të Agjencisë për Zhvillim Rajonal nr.3
Përfaqësuesi i Bordit të Agjencisë për Zhvillim Rajonal nr.4

Zēvēndēskryetar;
anētar;

anētar
anētar;
anētar;
anētar;

anētar;
anētar;
anētar;
anētar;
anētar;

anētar;
anētar;
anētar;

anētar;

anētar;
anētar;
anētar

Shtojcë I: KALENDARI ME AFATET E APLIKIMIT DHE VLERËSIMIT TË PROJEKTEVE

Afati	Institucioni përgjegjës	Aktiviteti
Botimi në "Fletoren zyrtare"	Komiteti për Zhvillimin e Rajoneve	Hapja e thirrjes për projekte të reja në grantin, programin dhe shtyllën e financimit, sipas pikës 1, të këtij vendimi.
27 Qershor 2016 (afat për projektet e pikës 1.2/a)	Aplikuesit sipas pikës 2 të këtij vendimi, si më sipër.	Dërgimi i projekteve sipas Shtojcës II bashkëngjitur këtij vendimi, si më poshtë vijon: 1. Aplikimi vetëm online në faqen elektronike të e-albania: Shërbimi: Aplikimi online për FZHR https://e-albania.al/sherbimi.aspx?kodi=7203 . 2. Për çdo informacion të nevojshëm në lidhje me aplikimin online mund të kontaktoni: - AKSHI Email: support_FZHR@akshi.gov.al (shërbimi për aplikimin online E-albania) - Sekretariati Teknik, Ministria e Inovacionit dhe Administratës Publike Email: lorenc.bako@inovacioni.gov.al Tel: +35542277320 Pranë Sekretariatit teknik dhe Sekretariatit të Përgjithshëm të Komitetit për Zhvillimin e Rajoneve, pranë Këshillit të Ministrave, <u>nuk dorëzohen dosjet fizike të aplikimit, pasi aplikimi bëhet vetëm online.</u>
3 ditë pune nga mbyllja e aplikimit	Sekretariati teknik pranë ministrit të Shtetit për Inovacionin dhe Administratën Publike.	Vlerësimi i projekteve të aplikuara, sipas pikës A, shtojca III.
	Sekretariati teknik pranë Ministrit të Shtetit për Inovacionin dhe Administratën Publike.	Sekretariati teknik paraqet zyrtarisht pranë Sekretariatit të Përgjithshëm listën e projekteve që propozohen për financim.
3 ditë pune nga përfundimi i vlerësimit nga sekretariati teknik	Sekretariati i Përgjithshëm i KZHR (Njësia e Zhvillimit dhe Planifikimit Strategjik)	Në bashkëpunim me sekretariatit teknik organizon mbledhjen e Komitetit për Zhvillimin e Rajoneve

Shtojcë II: FORMATI I APLIKIMIT

Aplikuesi (*)	Të vendoset emri i institucionit aplikues
Data e aplikimit (*)	
Titulli i projektit (*)	
Lloji/sektori i projektit (*)	Të përcaktohet cili është programi ku bën pjesë projekti (Shqipëria Dixhitale)
Nënspektori i projektit (*)	Të përcaktohet nënspektori i projektit (komponentët e programit të investimit)
Data e fillimit të projektit (*)	
Data e mbarimit të projektit (*)	
Përshkrimi i projektit (*)	Të bëhet përshkrim i detajuar i projektit të propozuar, duke përmblotur informacionin e mëposhtëm, por jo vetëm: - Përshkrimi i gjendjes aktuale - Objektivat funksionale dhe qëllimi strategjik, përputhja me politikën e sektorit dhe drejtimet e thirrjes - Zgjidhja teknologjike, impakti i pritshëm - Grupet e interesit - Logjistika dhe koha (vlerësimi i kostos, burimet, etj.) - Komunikimi me sistemet e tjera lokale ose qeveritare - Risku i realizimit të projektit.
Qëllimi dhe objektivat (*)	Të paraqitet qëllimi i përgjithshëm i projektit si dhe objektivat specifike të tij.
Numri i përfituesve (*)	Të jepen grupet e interesit dhe përfitues të qartë që përfitojnë drejtpërdrejt dhe tërthorazi nga zbatimi i projektit në total. Përfitimi të shoqërohet me shpjegim për secilën kategori përfituesi, si dhe impakti i pritshëm.
Rendi prioritar (*)	Në rastet e aplikimit të më shumë se 1 projekti, renditini projektet sipas prioritetit/nejës për ndërhyrje (numri 1 për shumë prioritar, numri 2 për më pak prioritar, e kështu me rradhë).
Qëndrueshmëria e projektit (*)	Të deklarohet, se për këtë projekt, kostoja e mirëmbajtjes së projektit, do të financohet nga aplikuesi.
Fondet e kërkuara nga Fondi për Zhvillimin e Rajoneve (me TVSH) (*)	Në rast se projekti nuk ka bashkëfinancim, vlera e financimit që kërkohet nga aplikuesi është e njëjtë me koston totale të projektit. Vlera duhet të përfshijë edhe TVSH
Kontributi në rast bashkëfinancimi	
Financim nga donatorë	Nëse ka financim nga donatorë
Financime të tjera	Nëse ka burime të tjera financimi
Kostoja totale e projektit (me TVSH) (*)	Për projektet e pikës 1.2 "a" vlera e projektit ose vlera e kërkuar duhet të jetë në përputhje me kriteret, si më poshtë vijojnë: - Për njësitë e qeverisjes vendore, me popullsi deri në 50 000 (pesëdhjetë mijë) banorë, vlera e financimit do të jetë, jo më shumë se 10 000 000 (dhjetë milionë) lekë, për projekt. - Për njësitë e qeverisjes vendore me popullsi mbi 50 000 (pesëdhjetë mijë) banorë vlera e financimit do të jetë, jo më shumë se 15 000 000 (pesëmbëdhjetë milionë) lekë për projekt. - Për Bashkinë e Tiranës, vlera e financimit do të jetë, jo më shumë se 30 000 000 (tridhjetë milionë) lekë për projekt.
Projekti ka një analizë kosto-përfitim të cilësisë së mirë (Opsionale)	Po/Jo
Përmbledhje e analizës kosto-përfitim (Opsionale)	Të paraqitet një përmbledhje e shkurtër e analizës kosto-përfitim, nëse ka një të tillë
Projekti ka një vlerësim të ndikimit në modernizimin e qyteteve dhe bashkive. (Opsionale)	Po/Jo

Përmbledhje e vlerësimit të ndikimit në modernizimin e qyteteve dhe bashkive.	Të paraqitet një përmbledhje e shkurtër e vlerësimit të ndikimit në modernizimin e shtetit apo të shërbimeve.
Deklarime. (*)	Aplikanti deklaron se: i. projekti është gati për zbatim (pra nëse i disponon të gjitha dokumentet që nevojiten për zbatimin e tij) dhe koha kur mund të fillojë dhe të përfundojë procedura e prokurimit publik dhe kur mund të fillojë dhe të përfundojë zbatimin i punimeve; ii. siguron pajisjen me të gjitha lejet e nevojshme për zbatimin e projektit, sipas legjislacionit të fuqi. iii. llogaritja e vlerës është bërë sipas akteve ligjore dhe nënligjore në fuqi dhe studimeve të tregut, në përputhje me këto akte. iv. Ka miratimet paraprake të tij (nëse aplikohen)
Dokumentet teknike (*)	Të sqarohet nëse projekti përmban: - Termat e Referencës - preventivin - argumentimin teknik - përllogaritje/parashikim të kostove të mirëmbajtjes së investimit - Studimin e tregut

(*) Fushat që kanë * janë të detyrueshme për t'u plotësuar.

SHËNIM: Dërgimi i Aplikimeve, sipas afatit:

1. Dërgimi i projekt ideve sipas shtojcës II, bashkëlidhur këtij vendimi, si më poshtë vijon:

- Aplikimi *on-line* në faqen elektronike të e-albania: Shërbimi: Aplikimi *on-line* për FZHR
<https://e-albania.al/sherbimi.aspx?kodi=7203>.

2. Për çdo informacion të nevojshëm në lidhje me aplikimin online mund të kontaktoni:

- AKSHI
Email: support_FZHR@akshi.gov.al (shërbimi për aplikimin online E-albania)
- Sekretariati Teknik, Ministria e Inovacionit dhe Administratës Publike
Email: lorenc.bako@inovacioni.gov.al
Tel fix: +35542277320

Shtojcë III: KRITERET E VLERËSIMIT TË PROJEKTEVE

Pika A. Kriteret e vlerësimit teknik për projektet

Këto kritere përdoren nga sekretariati teknik për të vlerësuar projektin, që propozohet për financim pranë Komitetit për Zhvillimin e Rajoneve, dhe në bazë të tyre kryhet **vlerësimi, maksimalisht, me 100 pikë**. Kriteret 1 dhe 2 detajohen në nënkriteret përkatëse teknike, nga sekretariati teknik i ngritur pranë ministrit të Shtetit për Inovacionin dhe Administratës Publike (MSHIAP), sipas aneksit 3, të ligjit nr.147, datë 17.12.2015, “Për buxhetin e vitit 2016”.

Kriteret për vlerësimin e projekteve janë, si më poshtë vijon:

1. Cilësia teknike dhe vlerësimi financiar i projekteve të propozuara nga aplikuesit, si dhe efektshmëria dhe dobishmëria e përdorimit të fondeve, për financimin e tij. **Vlerësimi teknik e financiar do të bëhet me pikë nga 0 deri maksimalisht 30 pikë.**
2. Përputhja me politikën dhe drejtimit e thirrjes dhe vendimet e Komitetit për Zhvillimin e Rajoneve. Ky kriter vlerësohet me **0 deri në, maksimalisht, 20 pikë.**
3. Niveli i ndikimit të projektit në modernizimin e qyteteve dhe bashkive, përmes sistemeve të informacionit dhe shërbimeve për qytetarët, përmirësimit të efikasitetit të punës dhe administrimit të bashkive të reja, rritjes së cilësisë së jetës në bashkitë e vendit, shtrirjen gjeografike të shërbimeve, impaktin që ka tek qytetarët dhe biznesi si dhe mbështetjen ndaj shërbimeve të tjera që ofrohen nga pushteti vendor, numri i përfituesve në mënyrë të drejtpërdrejtë dhe/ose të tërthortë nga projekti. **Për këtë komponent vlerësimi do të bëhet me pikë nga 0 deri 20 pikë.**
4. Niveli i ulët i riskut për zbatimin e projektit, bazuar në elementë të përshkrimit të projektit që orientojnë mbi riskun e mundshëm në prokurimin publik, zbatimin me sukses të projektit dhe përdorimin në kohë të fondeve publike. **Vlerësimi i nivelit të ulët të riskut vlerësohet me 0 deri maksimalisht 10 pikë.**
5. Qëndrueshmëria e investimit nga projekti, që lidhet me faktin nëse janë parashikuar kosto mirëmbajtjeje për projektin në vazhdimësi, përdorimi në kohë i outputeve të projektit, të cilat do të merren përsipër nga institucioni aplikues, etj. **Vlerësimi do të bëhet me pikë nga 0 deri maksimalisht 10 pikë.**
6. Niveli i bashkëfinancimit nga njësitë e qeverisjes qendrore apo vendore apo fondet e donatorëve. **Vlerësimi do të bëhet me pikë nga 0 deri në maksimalisht 10 pikë.**

SHËNIM – Procesi i vlerësimit

1. Vlerësimi teknik, ligjor, dhe financiar i projekteve, në zbatim të ligjit për buxhetin, dhe vendimeve të Komitetit për Zhvillimin e Rajoneve, kryhet nga sekretariati teknik, pranë ministrit të Shtetit për Inovacionin dhe Administratës Publike (MSHIAP), sipas kritereve teknike të përcaktuara në këtë shtojcë.
2. Sekretariati teknik i paraqet Sekretariatit të Përgjithshëm të Komitetit për Zhvillimin e Rajoneve, listën e plotë të projekteve që propozohen për financim, në përfundim të procesit të vlerësimit.
3. Sekretariati i Përgjithshëm i Komitetit për Zhvillimin e Rajoneve, në bashkëpunim me sekretariatit teknik, merr masat për organizimin e mbledhjes së Komitetit për Zhvillimin e Rajoneve, sipas komunikimit zyrtar të sekretariatit teknik.

